




585355

Mag. St. Dr.



ADDITIONES

Breuiſſimæ Reſolutionis
ſue explicationis littera
lis Regulae D. Franciſci
ad litterã obſervandæ,
præcipuè verò Equita
tione & licita receptione
ac uſu pecuniarum, iux
ta declarationes Sũmo
rum Pontificum
Per R. P. F. Anto
nium Cordubens.



Poſnaniæ Anno 1626.

Iussu Admodum

R. P. F.

LEONARDI

STARCZEWSKI,

Ordinis Minor. S.

Francisci de Obser.

Ministri Prouinciæ

Polonæ, Sacræ The

ologiae Lectoris ac

Prædicat. Generalis

pro quietandis con-

scientijs Fratrum,

conscriptæ ac

impressæ.

Mense Martio Anno 1626.

De Equit. & Pecun.

Psal. 1.

*Iustus in lege Domini
meditatur die ac nocte.*

*Inspiciens noluit intellige
re, ut bene ageret.*

Psal. 35.

Regula D. FRANCISCI,
aliqua continet seruan
da sub præcepto, aliqua verò
tantum sub consilio.

2. Quæ sub præcepto
obligant, ex natura ipsius
Regulæ, insurgit illorum o
bligatio: non ex consuetu
dine seruata, licet talis con
suetudo naturam Regulæ
expli

De Equit. & Pec.

explicit; consuetudo enim est optima legum interpret.

3. Ultra tria vota essentialia, in quibus cū reliquis religionibus convenit, continet 25. præcepta obligantia professores illius ad litteram ad M.

4. Inter ista autem 25. præcepta, quatuor tantum sunt, quæ senibus, frigidis & secundum carnem viventibus difficillima reputantur & quasi Gigantes terræ promissionis: qualia sunt Quod Fratres pro vestimentis habeant vnam tunicam cum caputio, & aliam sine caputio qui voluerint habe

De Equit. & Pecun.

re. 2. Quod non debeant equitare, nisi manifesta necessitate, vel infirmitate cogantur. 3. Quod qui necessitate coguntur possint portare calceamenta. 4. Quod non habeant domum, neq; locum, neq; aliquam rem, neq; possint per se, vel per interpositam personam recipere denarios, vel pecuniā, etiam pro pretio laboris.

5. Tria illa praecepta de non equitando, de paucitate vestium, de non portando calceamenta, habent maximam facilitatem in seruando. Nam in illis dicendum est, quod omnes dicūt

De Equit. & Pecun.

in præceptis Ecclesiæ. V. g. in ieiunio quadragesimali, vel possum illud implere vel non possum, vel sum dubius. Si possum, teneor: si non possum, non teneor; quia ad impossibile nemo obligatur: si sum dubius, recurrendo ad Medicum spirituales, & corporalem, & faciens, quod ipsi ordinaverint, adimpleo obligationem meam, ita in proposito.

5. De equitatione ob-
servandum statutum Bene-
dicti XII. in Cobelinen. Ca-
pitulo Anno 1562. pro-
mulgatum. Porro cum in
Regula Fratrum Minorum conti-

ne.

De Equit. & Pecun.

neatur expresse, quod Fratres non debeant equitare nisi manifesta necessitate vel infirmitate cogantur. Tenore presentium ordinamus, quod priusquam aliquis de loco dicti Ordinis profecturus exeat, de prædictis infirmitate vel necessitate, Minister vel Custos, si fuerint ibi præsentis, vel in eorum absentia cum consilio Discretorum Guardianus, vel eius Vicarius debeat arbitrari. Si verò alicui Fratri extra locum dicti Ordinis in itinere vel alibi constituto necessitas vel infirmitas euenerit, ita quod prædictorum Minister

De Equit. & Pec.

vel Custodis, aut Guadiani
seu Vicarij præsentiā com-
modè haberi non possit,
tunc Frater quem equitare
contigerit, debeat statim
cū peruenerit ad præsenti-
am alicuius Prædictorum,
causam propter quam equi-
tat explicare: qui cum con-
silio Discretorum, huiusmo-
di causam debeat examina-
re: et si causam approbaue-
rit, Frater huiusmodi sit à
pæna immunis, alioquin
tām is qui sine Prælati sui ar-
bitrio præsumpserit equita-
re, quàm etiam ille, cuius in
casu posito causam equitan-
di non iudicauerit esse iu-

stam

De Equit. & Pecun.

stā, proindē quilibet huius-
modi transgressor vna die
in pane & aqua debeat ieiunare,
quam pænitentiam infra dies 15.
immediatē sequentes debeat
explere, ad quam etiam peragendam
per suos Superiores cogatur.
Quodsi Ministri vel alij Superiores
prædicti, in huiusmodi reperti
fuerint culpabiles, per Visitatores
acriter puniantur. Hæc constitutio
renouata est & pænæ in delinquentes
aggrauatæ in Capitulo Generali Romano
1603. celebrato, in hunc modum.
Item. Quoniam abusus equitandi in nostrum

De Equit. & pecu.

Ordinem non sine ſæculari-
um ſcandalo & proborum
Religioſorum lamentis plu-
rimùm inoleuit. Præcipi-
tur vt nullus Prouincialis
Minifter, poſſit cuiquã Fra-
tri impartiri licentiam equi-
tandi, niſi prius Guardiani
& maioris partis Diſcretor-
um ſui Conuentus, testimo-
nium ſcriptum & authenti-
cum habeatur, de illius Fra-
tris vera neceſſitate. At ve-
rò ſi prædictus Minifter ab-
ſens fuerit á Conuentu,
Guardianus loci, cum con-
ſenſu omnium Diſcretorum
nemine diſcrepante eandem
licentiam præſtare poterit,

quo

De Equit. & Pecū.

quorum omnium conscientias in hoc oneramus & si aliter prædicta licentia fuerit concessa, Minister Provincialis in Capitulo sequenti, careat voce actiua & passiuâ in Discretorio & Diffinitorio: Guardianus verò ipso facto per semestre sit à suo officio suspensus. Hic verò qui sine prædicta licentia ausus fuerit equitare, Guardianus Conuentus subito iungat illi, vt faciat disciplinam.

6. Præceptum denariorum, vel pecuniæ, sic exponitur; Nam, vel necessitas vrget, imminet, (& ne-

De Equit. & Pecun.

necessitas vera) vel non virget, vel sum dubius. Si virget, & necessitas est vera, possum procurare remediū illius necessitatis, etiam interuenientibus denarijs, vel pecunia. Si necessitas non est vera, vel non virget, neq; imminet, non possum. Si dubius sum, ad declarationem Prælati, quod necessitas sit vera, virgens, vel imminens, possum procurare, vel non procurare illud.

8. Pecunia dicitur, omne illud quod conuertibile est in denarios.

9. Denarij, quibus necessitatibus Fratrum Mino-

rum

De Equit. & Pecuo.

rum succurritur, quidam sunt liberaliter concessi á dante illos, quidam verò non sunt liberaliter concessi, sed cadunt sub debito, vt qui dat denarios promissos, vel soluit legata in testamento.

10. Denariorum Fratres non habent, neq; simplicem vsum,

11. Denariorum legato- rum siue (quæ cadût sub debito) Dominus est Summus Pontifex.

12. Denariorum liberè donatorum, Dominus est donans, si ita illi placeat, donec in aliam rem conuertantur.

De Equit. & Pecun.

13. Denarij, cuiuscunque sunt, debent consumi iuxta voluntatem sui Domini, alias peccatum M. committitur.

14. Voluntas Domini Papæ est, quod tales denarij (quorum ipse Dominus est) consumantur pro ~~promissis~~, & vestitu, & reparatione Conuentuum, & pro Fratrum ~~huiusmodi~~ necessitatibus. Unde consumens denarios Domini Papæ, & non iuxta hanc voluntatem, peccat Mortaliter.

15. Voluntas liberaliter concedentis ab illo explicata, vel expressè, vel tacitè, debet

De Equit. & Pecun.

debet seruari ad vnguem in
consumendo suos denarios
sub Mortali.

16 Denarij vel pecunia
non possunt á Fratibus pro-
curari nisi in casibus necessi-
tatis veræ (non tamen stri-
ctissima expectanda) Fratrū
propriæ, vel illorū curæ cō-
missorum, proximæ, vel
imminentis, & pro illis re-
bus, quæ alias non possent
commodè mendicando ha-
beri, id est sine magno di-
scursu, distractione, vel sine
maioris boni impedimento.

17. Melior modus pro-
curandi & remedium pro ta-
libus necessitatibus est, di.

De Equit. & Pecun.

cere missas pro illis, qui talibus necessitatibus succurrunt.

18. Non possunt (absolute loquendo) in nostris Conuentibus, dici Missæ pro denarijs vel pecunijs, in stipendium, id est pro pecunia tanquam pro pretio simpliciter intento, sed possunt dici, ut pro Eleemosyna liberaliter oblata, seruatis conditionibus alias obseruandis. Possunt etiam dici pro quacunque alia re, ut pro vino, tritico, &c. dum modo res illæ non accipiantur, ut appretiatæ vel ut in alios vsus, æstimatione pretij cō-

mu

De Equit. & pecu.

mutentur, aut distrahantur
(quia taliter res dictæ essent
pecunia) & seclusa omni
obligatione aut pactione ci-
uili seu politica. Nam D.
P. Franciscus vult, quod
Fratres laborent, de labori-
tio quod pertinet ad honesta-
tem, & si non detur pretiū
laboris, recurratur ad men-
sam Domini, petendo elee-
mosynam ostiatim, dummo-
do denarios, vel pecuniam
non recipiant, modo prædi-
cto.

19. Qui dicit Missas pro
stipendio, sine vera necessi-
tate præsentē, vel imminen-
te peccat M. quia est quære-
re pecunias, vel denarios.

De Equit. & Pecun.

20. Syndicus est Procurator Domini Papæ, non Fratrum.

21. In apponendo Syndicum; Prouincialis, vel Custos, ad quos pertinet tantum, sunt conditio sine quâ non.

22. Syndicus seruans denarios Domini Papæ, vel liberaliter concedentis, nō est tertia persona Fratrum.

23. Potest contingere esse peccatum M. in procurando denarios, & non in consumendo, & in consumendo & non in procurando. V. g. qui procuraret denarios, vel pecuniam sine

neceſſ-

De Equit. & Pecun.

necessitate vera, vrgenti, vel imminente, peccaret M. Qui procuratam consumit contra voluntatem eius, cuius est, peccat M. & qui procurat sine vera necessitate, & consumit contra voluntatem eius, in vtroq; peccat Mortaliter.

24. Ex hoc, quod pecuniæ, vel denarij sint in domo Syndici Domini Papæ, vel vbi liberaliter dans voluerit, nullum est, Fratribus obligatis ad obseruandum hanc Regulam, peccatū.

25. Fratres tenentur viuere conformiter ad altissimam paupertatem, quam sunt professi.

De Equit. & Pecun.

26. Non possunt Fratres Minores habere in cella tanta, neque talia ornamenta, quanta licent Fratribus alterius Religionis, nam alij non profitentur altissimam paupertatem.

27. Multitudo librorum attendenda est iuxta quantitatem, & qualitatem ingenij, & officij

28. Quilibet potest habere omnes libros sibi necessarios.

29. Ignorantia non excusat professores a peccato; quia ignorans ignorabitur.

30. Illa, quæ non extrahunt Fratres Minores a sua

al.

De Equit. & Pecun.

altissima, & arctissima paupertate, non sunt illis prohibita.

31. Ex eo quod aliquis voueat Deo per singulos annos dare in eleemosynam Fratribus Minoribus tantam quantitatem tritici, vel olei, vel cuiusvis alterius rei. Fratres Minores non extrahuntur á sua altissima paupertate: cum vi illius voti, quod obligat sub mortali. Fratres non acquirant aliquod Ius, neque domum, neq; locum, neq; aliquam rem.

32. Quando aliquis in testamento relinquit, vt sui hæredes teneantur dicere

De Equit. & Pecun.

tot missas, & dare tantam
elemosynam Fratribus Mi-
noribus dicentibus illas: Fra-
tres Minores per tale legatū
non extrahuntur à sua altis-
sima, & arctissima pauper-
tate, cum ex vi illius legati,
neq; acquirant Ius, neq;
habeant domum, locum,
neq; aliquam rem, & in
hoc consistit paupertas altis-
sima.

*Quicumq; banc Regulā
seruauerint, pax super
illos, & misericordia
Dei.*

Præceptorum ,

S V M M A R I V M

Præceptorum

Primum status nostri substantiale fundamentum (ut ait Hugo in 1. cap Regulae) est, Euangelica seruare consilia, quæ in Regula sūt expressa: & eo modo & forma, prout in ipsa posita sunt. Vnde assertiuè dicendum est, nihil esse in Regula quod sub mortali culpa, virtute voti regularis, obliget professores; nisi quod sub præceptorij verbis in ea ponitur vt (præcipio: iniungo per obedientiam:) vel sub
verbo

Summarium.

verbo habente vim. præcepti; vt dicendo (teneantur:) vel sub verbo inhibitorio seu prohibitorio, vt est illud 6. cap. (Fratres nihil sibi approprient) vel nisi sit de illis æquipollentibus per Clementem V. (in sua declaratione super Regulam Fratrum Minorum quæ incipit: Exiui de paradiso, &c.) specificatis & expressis. Quæ omnia hic pro commoditate Nouitiorum subscribuntur.

V II. Præcepta formalia.

II, Inhibitoria.

I V. Habentia vim præcepti.

X II. Æquipollentia præcepta.

Præce

Præceptorum .

Præcepta Formalia.

1.

Quòd totus Ordo tenetur
præstare obedientiam &
reuerentiam Domino Papæ,
& Romanæ Ecclesiæ. cap. 1.

2. Quòd Fratres nullo mo-
do denarios vel pecuniam re-
cipiant. cap. 4.

3. Quòd Fratres obedi-
ant suis Ministris in omnia-
bus quæ promiserunt Domi-
no obseruare. cap. 10.

4. Quòd Fratres non ha-
beant suspecta consortia mu-
lierum. cap. 11.

5. Quòd non ingredian-
tur Monasteria Monacharū.
cap. 11.

Summarium.

6. Quòd non fiant com-
patres virorum aut mulierū.
cap. 11.

7. Quòd Ministri petant
vnum de Sanctæ Romanæ
Ecclesiæ Cardinalibus, qui
sit Gubernator, Protector
& Corrector istius Fraterni-
tatis. cap. 12.

Inhibitoria.

1. Quòd nullo modo li-
ceat Fratribus de iusta Religi-
one exire. cap. 2.

2. Quòd Fratres nihil si-
bi approprient. cap. 6.

Ha.

Præceptorum.

Habentia vim præcepti, etiam obligantia ad mortale, ex declaratione Pontificum.

1. *Q*uòd Fratres teneantur recurrere ad Ministros Prouinciales pro casibus reservatis. cap. 7.

2. *Q*uòd Fratres habeant vnum de Fratribus istius Religionis in Generalem Ministrum, &c. cap. 8.

3. *Q*uòd Ministri & Custodes, teneantur in simul conuenire in Capitulo Generali, pro electione success-

De Equit. & Pecun.

foris Generalis Ministri.
cap. 8.

4. Quòd si aliquo tempore, appareret vniuersitati Ministrorum Prouincialium, & Custodum, prædictum Ministrum non esse sufficientem; debeant eligere alium, &c. cap. 8.

*Aequipollentia ex declaratione Clementis
V. obligantis ad
mortale.*

1. Quòd Fratres habentynam tunicam cum capucio, & aliam sine capucio

qui

140
Præceptorum.

qui voluerint habere. cap.
2.

2. Quòd illi tantùm qui
necessitate coguntur, pos-
sunt portare calceamenta,
cap. 2.

3. Quòd vilibus vestimē-
tis induantur. cap. 2.

4. Quòd Clerici faciant
Diuinum (officium secundū
ordinem Sanctæ Romanæ
Ecclesiæ: & Laici dicant, Pa-
ter noster. cap. 3.

5. Quòd Fratres ieiunēt
á Festo omnium Sanctorum
vsque ad Natiuitatem Domi-
ni, sanctam Quadragesi-
mam Resurrectionis, & in

Summarium.

sexto Ferijs totius anni.
cap. 3.

6. Quòd non equitent ,
nisi manifesta necessitate a-
ut infirmitate cogantur.
cap. 3.

7. Quòd Ministri & Cu-
stodes sollicitam curam ge-
rant pro necessitatibus infir-
morum , & alijs Fratribus
induendis. cap. 4.

8. Quòd Fratres seruiant
Fratribus infirmis. cap. 6.

9. Quòd Fratres non prædi-
cent in Episcopatu alicuius
Episcopi , cùm ab eo illis fu-
erit contradictum. cap. 9.

10. Quòd nullus Fratrum
populo audeat prædicare, ni

si

Præceptorum.

si á Ministro Generali huius
Fraternitatis fuerit approba-
tus. cap. 9.

11. Quòd vbicunque
sunt Fratres, qui scirent &
cognoscerent se non posse
Regulam spiritualiter obser-
uare, possint & debeant ad
suos Ministros recurrere.
cap. 10.

12. Omnia quæ ponun-
tur in Regula, quoad for-
mam habitus, tam Nouitio-
rum quàm etiam Professo-
rum, & ad modum receptio-
nis ac professionis spectan-
tia; in quo multæ conditio-
nes obligatorix cõprehen-
duntur. cap. 2.

Hæc

Summarium .

Hæc omnia si simul iungantur, constat quòd viginti quinque erunt obligatoria Regulæ, sub culpa mortali. Septē scilicet præcepta formalia:: duo inhibitoria: quatuor habentia vim præcepti: & duodecim æquipollentia: quæ omnia viginti quinque sunt. Et licet secundum declarationes Nicolai III. & Clementis V. sunt viginti octo; reducuntur tamen ad viginti quinque. Nam reliqua tria habentia vim præcepti, includuntur in supradictis. Id enim quod dicitur in primo capite (quòd Fratres teneantur obedire suc-

cesso

De

cellos
& id q
et auo
dire C
cludu
cepto
obed
mnib
traria
nostr
tur d
ad æ
agitu
duo
eund
licet
nisi i
præc
(cap

De Equit. & Pecun.

celloribus sancti Francisci)
& id quod dicitur capite octavo (quod teneantur obedire Generali Ministro) includuntur utique in illo præcepto, capite decimo, Quod obediant suis Prælati in omnibus, quæ non sunt contraria animæ suæ, & Regulæ nostræ. Illud autem quod dicitur de ieiunio sextæ Feriæ, ad æquipollēs reducitur, ubi agitur de ieiunio. Illud verò duodecimi capitis de non eundo inter Saracenos sine licentia, & non mittendo nisi idoneos; potius videtur præceptum iuris communis (cap. Quam sit, de Iudæis

& Sa-

Summarium.

& Saracenis. & cap. Cùm ex iniuncto, de Hæreticis.) quàm particulare Regula nostræ, & ideo hic non connumeratur.

TESTAMENTUM sancti Francisci, non obligat nos sub culpa mortali ad sui observantiam. Quod & Gregorius IX. & Nicolaus III. expressè testantur. Ob reuerentiam tamen Seraphici Patris decet nos illud pro virili observare. Nec ad alia consilia Evangelica Fratres tenentur quàm quæ (vt dictū est) in Regula ponuntur. Eò tamen ampliùs teneatur quàm cæteri.

Præceptorum.

143

eri Christiani, quò statum
perfectionis proficendo, se
ipsos in holocaustum & sa-
crificium medullatum Do-
mino obtulerunt, per rerum
mundanarum omnium cõ-
temptum, & conari debent
pro viribus (vt monet Nico-
laus III. & omnes Docto-
res) vt ea obseruent, cùm
maximè seruiant ad
ipsam perfectionē
assequendam.



lib. 120.

B90055

(5)

